



UNIVERSITÄTS-
BIBLIOTHEK
PADERBORN

Paraphrasis Psalmorum Davidis Poetica

Buchanan, George

Argentorati, M. D. LXVIII.

VD16 B 3125

Psal. CV. Confitemi Domino, & inuo. &c. Carm. gen. 24.

[urn:nbn:de:hbz:466:1-69145](https://nbn-resolving.org/urn:nbn:de:hbz:466:1-69145)

Te magnam pādente manū, saturantur abūdē
 Omnia: te rursus uultum condente fatiscunt.
 Te tollente animam, subito exanimata recur-
 runt

In cinerem: inspirāte animam te denuō, surgit
 Illico fœcundæ sobolis generosa propago,
 Et desolatæ gens incolit aurea terras.

Sic eat. ò nullo regnet cum fine per æuum
 Maiestas diuina: suūmq; in sæcula latus
 Seruet opus Deus, ille Deus quo territa tellus
 Concutiente tremit, mōtes tangente uaporāt,
 Fumifera trepidum nebula testante pauorem.
 Hunc ego, dum uiuam, dum spiritus hos reget
 artus,

Vsq; colam: tātūm ille meas facilisq; bonusq;
 Accipiat uoces: nempe illo oblector in uno.
 At uerò impietas planè extirpetur ab ima
 Radice, & scelerum stirps nulla repullulet: ac
 nos

Te rerū De^o alme patrē Dominūmq; canem^o.

PSAL. CV. Confitemini Domino, & inuo.
 etc. Carm. gen. 24.

CAnite Dominum, & inuocate
 Nomen eius: exteris
 Facta gentibus per orbem
 Prædicare illustria.
 Ille sermo, carmen ille,
 Illius miracula,

Impi. de.
 vidēt.

Nomen eius, numen eius,
 Vna nobis gloria.
 Hanc amantum & hunc petentum
 Palpitet cor gaudio.
 Robur eius, pignus eius
 Sacrosanctum roboris
 Petite: uultum eius beatum
 Continenter quærite.
 Subeat animum quanta nostris
 Edidit maioribus
 Signa, quæ portenta: legum
 Scita quæ reliquerit.
 Vos Abrami, uos Iacobi
 Posteris, serui Dei
 Separati, sorte lecta
 Natio, uos alloquor.
 Ille rerum rector unus,
 Orbis unus arbiter,
 Facta nostris firma seruat
 Pacta cum parentibus.
 Verba meminit: mille sancta in
 Sæcla nectit fœdera,
 Ista primitus cum Abramo,
 Deinde iurata Isaco:
 Isaci sancita nato,
 Lege non mutabilis
 Posterisq; sempiterno
 Roborata uinculo:
 Quum tibi Chananæa (dixit)
 Arua sorte diuidam.
 Turba numero parua quamuis

Aduena

Aduena illic degeret,
Aucta nondum stirpe longis
Temporum decursibus,
Regna quanquam & nationes
Exul errans uerteret,
Hos tamen Dei benigna
Fouit indulgentia:
Vinqz duram præpotenti
Dextra ab illis arcuit:
Et minis reges molestos
Tetricis compefcuit.
Ne mihi (inquit) consecratos,
Ne mihi unctos tangite:
A meis, moneo, prophetis
Abstinete iniuriam.
Quum famem uoracem in orbem
Contumacem induceret,
Gentibusqz alimenta latè
Noxijs subduceret,
Præuium misit ministrum
Nili ad arua fertilis.
Filiu pulchræ Rachelis
Mango turpis uendidit:
Carceris latuit tenebris,
Crura uinctus compede,
Somnij donec soluti
Nota regi ueritas,
Crura ferro liberauit,
Solut animu crimine:
Et noua sortis benignæ

Iam

Iam uiciffitudine,
Regiorum feruulorum
Seruus antè ignobilis,
Frena rerum tractat unus:
Nuper è custodia
Miffus, aulæ purpuratos
Nunc coërcet uinculis:
Et senum iuuenis feueræ
Præfidet prudentiæ.
Ifaci tandem propago
Arua linquens patria,
Pinguis ad fluenta Nili
Caftra fixit aduena.
Ac Deo fauente, læta
Stirpe fic reffloruit,
Viribus breui ut præiret
Inquilinus incolas.
Tum Phari rector superbæ
Mente uerfa Abramidas
Fraude molitus nefanda
Stirpitis reuellere:
Circulo donec uoluto
Destinati temporis,
Legifer cum fratre Moses
Miffus est diuinitus,
Ac Pharon Phariq, regem
Terruit miraculis.
Ergo natura, imperantis
Non rebellis iuffibus,
Vestijt polum tenebris,
Et folum caligine

Condi-

Condidit, ceu nocte cæca
Sole iusso cedere:
Vnda decolor cruoris
Tabes riuos polluit,
Squameæq; strage turbæ
Inquinavit littora.
Terra felix ante frugum,
More nunc præpostero,
Turpibus fœcunda ranis
Squalet: ipsa regia
Fœta ranis, ipsa regum
Fœta erant cubilia:
Musca deinde nube densa
Fusa Memphin occulit:
Cyniphôn cruenta passim
Obuolabant agmina.
Instar imbrium ruebat
Mista flamma grandini,
Arbores nudans comantes
Flore, fronde, fructibus.
Quod reliquit atra grando,
Mox locusta perdidit:
Bruchus abstulit, locustas
Quod uoraces fugerat.
Tot malis subinde fœuis
Icta Nili regia,
Quum ferox non mitigaret
Contumaces spiritus,
Dira populum mox in ipsum
Versa pœna fœuijt.
Prima pignorum repentè

Per

Per penates omnium
 Occidere: cuncta planctu
 Cuncta luctu personant.
 Rege tandem pertinace
 Cladibus perterrito,
 Sancta Memphin gens reliquit,
 Iam tyranno libera,
 Diues auro argenteisq;
 Barbarorum poculis.
 Nec tot inter millia ullum
 Languor attentauerat.
 Ergo Nil iam pauore
 Exoluta regia,
 Voce, uultu, plausibusq;
 Præferabat gaudium.
 At parens memor benignus
 Gentis electæ sibi,
 Per siticulosæ arenæ
 Acquor æstu imperuium
 Castra nubis textit umbra,
 Luce: noctem luridam
 Ignium latè corusco
 Temperauit lumine.
 Arua, uictum quum rogarent,
 Textit imber alitum:
 Panis impluit per auras
 More densæ grandinis:
 Petra iussa fudit undas:
 Deq; rupis uiscere
 Antè sicca solitudo
 Flumen hausit. Scilicet

Fœderis

Fœderis parens benignus
 Immemor nunquam sui,
 Quod sibi charo cum Abramo
 Omne in æuum fecerat.
 Sic parentum stirps piorum,
 Tuta ductu numinis,
 Arua liquit fraudulenta
 Perfidii Pelusii:
 Et ferarum nationum
 Occupatis oppidis,
 Tradidit Deus impiorum
 Ijs labores carpere:
 Sanctiones ut tenerent
 Sacrosancti fœderis.
 Et piarum ad iussa legum
 Facta cuncta fingerent.
 Laus, honor decusq; Regi
 Sempiterno cœlitum.

PSAL. CVI. *Confitemini Domino, quoni-
 am bonus, &c.* Carm. gen. 14.

Laudate Regem cœlitum, regem bonum,
 Suisq; nullo non benignum tempore.
 Quis facta uerbis æquet? eloquentiæ
 Quis assequetur illius potentiam?
 O ter beatos æqui amantes, & tuæ
 Præscripta legis qui tuentur iugiter!
 Memento nostri facilis & fauens, tuum
 Prospicere populum qua soles clementia:
 Et me reuise lenis ac salutifer,

Vt